

甘肅府縣志輯

中國地方志集成

乾隆敦煌縣志
民國民勤縣志

中國地方志集成

甘肅府縣志輯 ④9

乾隆敦煌縣志

道光敦煌縣志

民國民勤縣志

開元沙洲都督府圖經

鳳凰出版社 ● 上海書店 ● 巴蜀書社

敦煌縣誌

官制

建置沿革

按沙州古三危地蓋戎所居春秋時謂之瓜州左傳允姓之戎居於瓜州是也秦及漢初焉月支匈奴所據武帝後元平分酒泉置敦煌郡晉曰之元帝時張駿分敦煌晉呂高昌三郡及西域都護戊己校尉玉門大護軍三營焉沙州張祥又以敦煌郡置商州其後李嵩據敦煌稱西涼公後魏置敦煌郡周置鳴沙縣水經注敦煌南七里有鳴沙山故亦曰沙州隋大業初徙置敦煌郡改鳴沙為敦煌唐武德五年置西沙州貞觀七年曰沙州領敦煌壽昌二縣神龍元年置豆盧軍貞元後蓋沒於吐蕃宋初為回鶻所據太宗時曹元中以沙州歸於宋景祐中為元昊所據元復取之至元十四年復立沙州十七年徙為沙州路明永

樂二年置沙州衛以俞長圉即來為指揮使賜誥印正德十年為哈密見判二部使通走附塞下正統中沙州又為罕東指揮班麻思結駐牧因即來子喃哥謀奔見刺甘肅鎮將任禮率兵收其全部入塞居之甘州時土魯番侵據哈密班麻思結孫只克請自立一衛與相抗朝命於沙州故城立罕東左衛正德十一年只克子乞台來弱不振徙肅州塞內其部下服屬土魯番沙州遂廢

本朝雍正元年置沙州所三年陞衛隸安西同知按沙州衛在唐虞尚貢為三危流沙之地見於書傳歷歷可考周襄公淪於戎狄塞漢之際月氏據之匈奴破殺月氏亦屬昆邪王住牧霍將軍破降昆邪以其地為敦煌郡屬六縣兼有今安西柳溝東巴達逆方與酒泉接壤魏晉曰之至前涼張氏置沙州及晉昌郡符秦元魏更析為會稽廣

夏常樂等郡非漢敦煌全境矣唐目之或稱沙州或稱敦煌郡而以晉昌等郡拜為瓜州由此瓜沙並峙焉天寶之亂吐蕃吞噬河隴諸城失守皆在肅代德順之世惟沙州之陷獨後蓋在憲宗元和十四年而大中復遼河最先倡義首領張義潮遂虜帥歸唐遂建歸義軍於沙州以義潮為節度使五代之際張氏世絕州人推曹義金為帥傳子孫至宋仁宗時為趙元昊所陷元滅夏置沙州路總管府而以瓜州隸焉明洪武初宋國公馮勝兵下河西元守臣委的掠民人遷入沙漠時有烏斯藏番僧曰哥哥把失來青牛誦鋪經咒號青牛和尚避至沙州界內娶達女為妻生子至孫俺章混稱屬達修貢永樂二年遂立罕東左衛於沙州以俺章為都督掌印朝貢不絕正德中避土魯番侵擾乃內徙肅州住牧即日羔剌之族也自此以後棄為旣脫

未遑經畧

本朝康熙五十四年阿爾作逆出師征討嘉峪關外漸加修復初置赤金靖逆二衛所雍正初柳溝安西沙州以次設衛督臣安鍾琪原議在沙州設鎮既以安西為適中之地建立安西鎮於是沙州特設副協駐防俾輔相車倚障邊圉屹為襟去乾隆二十五年議裁沙州衛改設敦煌縣隸安西府

疆域

治在安西廳西南二百六十里東至塔兒泉一百七十里接連瑞寶堡界東北至甜水井子一百六十里接連泉縣交界連南至三危山三十里過山係外境西至古營盤四十里接連外境西南至沙壘墩三十里接連外境西北至鹽池四十里接連外境南至千佛洞三十里接連鳴沙山北至席芭子廠五十里接連黃墩堡交界

形勝

敦煌著田記云國當乾位地利良墟水有
懸泉之神山有鳴沙之異川無蛇虺澤無
兕虎華戎所交一大都會新志云雪山焉
城青海為池鳴沙為環党河為帶前陽關
而後玉門控伊西而制漢北全陝之咽喉
極邊之鎖鑰

城池

沙州本有故城即漢敦煌郡雍正三年於
故城東另築沙州城週圍三里三分零計
長六百丈高一丈九尺六寸根寬二丈三
尺頂寬一丈頂上外築牆高五尺厚一尺
六寸裡面群牆高二尺六寸厚一尺四寸
開東西南三門城門樓四座內北城樓望
闕帝廟樓一座腰樓八座每座墩台週圍
三丈一尺八寸角樓四座每座墩台週圍
五丈甕城樓一座
又郭城一座紫接大城包羅大城之東南

北三面週圍五里五分零長一十丈根寬
五尺頂寬二尺高二丈開東南北及西南
角共四門炮台一十二處係雍正九年
前任秦章沙州衛守備趙在熊督率戶民建
築墩堡

黃墩堡

在沙州正北六十三里土城一座週圍二
里四分計長三百三十二丈高一丈八尺
根寬二丈頂寬七尺頂上外築牆高五尺
厚一尺二寸群牆高二尺五寸厚一尺開
東西兩門東西城樓二座東西甕城樓二
座腰樓一座係雍正五年建

山川

三危山

孔安國傳三危西裔之山舜竄三苗於三
危禹貢三危既宅是也隋志敦煌縣有三
危山括地志山在沙州東南三十里山有
三峯故名都司志三危為沙州望山俗名

屏兩山今在城東南三十里三峯聳峙如馬欲墜故云

鳴沙山

元和志鳴沙山一名神沙山在沙州城南七里其山積沙為之峯岫危峭踰於山石四面皆沙隴背如刀及人登之即鳴隨足顛落經宿風吹輒復還如舊有一泉水名曰沙井綿歷古今沙填不滿水極甘美唐志又云沙角山天氣時朗時鳴沙開於城內又五代晉高居誨記云在瓜州南十里冬夏殷殷有聲如雷高貢所謂流沙也今接山在州南積沙而鳴党河經其陽由之西北流東麓有千佛洞山下有月牙泉沙挾風而飛響泉映月而無塵終古光音仙靈異境姚觀察撰亭其上常携茶具載筆來吟流連不去

龍勒山

沙州城東一百二十里漢龍勒縣目山以

名括地志在沙州壽昌縣南一百六十里新唐志又有雲雨山

雪山

即南山在縣南約三百里

羊脾山

沙州城南多巖石無草木山北有一岩曰羊脾

北塞山

沙州境漢武帝時天馬朝發京師夕至敦煌北塞山下即此

白龍堆

郡國記敦煌正西關外有白龍堆沙形如土龍身無頭有尾高大者二三丈卑者丈餘東倚三危北望蒲昌是為西極要路

流沙

后周書鄯善西北有流沙數百里夏日有熱風為行旅之患風之將至惟老駝知之即鳴而聚立埋其口鼻於沙中人每以為

候亦卽擁蔽口鼻其風迅駛斯須過盡若不防者必致危殆顏師古曰流沙在敦煌西八十里用一統志流沙磧在玉門關外有三斷石極大謂之三龍山

黑水

尚貢尊黑水至于三危入于南海括地志黑水出伊吾縣北一百二十里東南絕流三危山二千餘里至卽州又東南四百餘里至河州入黃河

氐置水

漢志龍勒縣有氐置水出南羌中東北入澤溉民田五代史沙州西渡都鄉河卽此今俗名党河

龍勒水

元和志壽昌縣有龍勒水在縣南一百八十里龍勒山下又云漢李陵發兵至遮虜障東浚稽山南龍勒水上徘徊視虜卽此水

懸泉水

在敦煌縣東一百二十里出懸泉山漢將李廣利伐大宛還士衆渴乏引佩刀刺山飛泉湧出卽此水也其水有靈車馬大至卽出多少至卽出少

渥洼水

沙州境內漢元鼎四年秋天馬生渥洼水中武帝得之作天馬之歌

鹽池

元和志在敦煌縣東四十七里池中鹽常自生百姓仰給又鹽池海在伊吾縣南三百里周迴百餘里又納戕縣有六鹽池在州南六十里周迴十餘里無魚水自生鹽月滿則鹽多而甘月缺則鹽少而苦又云池在衛東南六十里俗名巴爾池多柔南自然成鹽遠望如積雪鹽味絕佳形極瑩澈堅緻安西沙州食鹽皆取於此又伯顏墩亦有大鹽池所產相類

黨河

源自南山北流繞城東西藉以溉田即氏
置水今分爲五大渠餘流從黃墩北去乃
漸微矣

月牙泉

通志在縣南十里其水澄澈環以流沙雖
遇烈風而泉不爲沙掩蓋名蹟也舊傳水
產狹背魚七星草服之可長生但不時見
土人亦呼爲蘇泉

藥泉

在縣東南石包城味苦如酒相傳飲之愈
疾

多布溝

在雅莫兒免西

色爾騰海子

在沙州西南雪山之陰爲青海要道

黑海子

在沙州西北大澤番名哈喇腦兒即華言

黑海子也黃墩子至可可砂石三十里又

三十里至雙河岔又九十里至黑海子党

河之水自南來以此澤爲歸宿今上流分

渠灌敦煌田則餘波少減雍正初總督岳

鍾琪議開疏勒河西流之水與党河尾會

合以通舟運一則疏勒之水至可可砂石

入於漏沙勢微而不能流通一則党河之

尾既有兩岔其起黑海子者多而東會疏

勒者少即使黨河尾盛疏勒不竭兩水衝

激亦非安汎難以行舟於是迄無成功所

造之舟沉於雙塔河焉

古蹟

敦煌廢郡

在肅州西今敦煌縣西古瓜州亦月支戎

地漢武帝元鼎六年分酒泉置敦煌郡應

劭曰敦大也煌盛也晉志郡治昌蒲領敦

煌縣十六國春秋晉咸康元年張駿分敦

煌晉昌高昌三郡及西域都護戊巳校討

效穀廢縣

玉門大護軍三營為沙州水經注敦煌郡
 南七里鳴沙山故亦曰沙州隋裴矩西
 域圖記曰敦煌至於西海凡為三道北道
 從伊吾至蒲類海中道從高昌南道從鄯
 善總轄敦煌焉咽喉之地隋志敦煌郡舊
 置瓜州治敦煌縣周併入鳴沙縣大業初
 復置郡改鳴沙為敦煌唐復置沙州元和
 志沙州東至瓜州二百里西至土魯番界
 三百里北至伊州七百里治敦煌縣又有
 豆盧軍神龍元年置在州城內宋景祐二
 年趙元昊取沙州元太祖二十二年破其
 城至元十四年復立沙州十七年陞為沙
 州路總管府明永樂三年置沙州衛正統
 十一年廢今按沙州舊城即古敦煌郡
 治也今在沙州之西墻垣基址猶存以堯
 水北衝城墻東地故今敦煌縣城築於舊
 城之東

廣至故城

在肅州西今淵泉縣西漢置屬敦煌郡桑
 欽曰縣本魚澤障也元封六年崖不意為
 魚澤尉殺民力田以勤放得穀因立為縣
 改名後漢及晉因之隋志周併入敦煌

龍勒故城

在肅州西今敦煌縣西漢置屬敦煌郡後
 漢及晉因之周併入敦煌唐改置壽昌縣
 屬沙州以縣南壽昌澤為名新唐志壽昌
 縣治漢龍勒城隨州陷廢
 瓜州在瓜州西北一百餘里杜氏通典廣
 至故城在常樂縣東隨州陷廢舊志有涼
 興城在廢瓜州西一百七十里

壽昌舊縣

在肅州西今敦煌縣西漢置屬敦煌郡後
 漢及晉因之周併入敦煌唐改置壽昌縣
 屬沙州以縣南壽昌澤為名新唐志壽昌
 縣治漢龍勒城隨州陷廢

舊志云在沙州西南一百五十里本漢龍勒縣地后魏置壽昌縣西至陽關六里今其地不可考或已彥布喇等處未可知也

雷音寺

即千佛洞在城南四十里不知建自何時有斷碑云唐年重修疏岩鑿石佛龕層疊無算其像有裝塑者有繪畫者以教萬計廟貌甚麗明時曰人蹂躪佛像屢遭毀壞龕亦為沙所掩而畫壁丹青尚有存焉今道人等梳爬畧見眉目四月八日戶民為浴佛之會香火稱盛

石包城

在敦煌城東二百里疊石為城勢極高峻不知何年所築

党城

在敦煌城南百餘里党水所經墻垣猶存年代莫考

古長城

在敦煌城北數百里由鎮桑東狼心山北至哈密北山皆有長城墩台基址或云漢路博德所築或云近代為之雖不可考遺址猶在

玉門關

常昭云玉門關在龍勒縣界敦煌西北百餘里則應在沙州西北今其遺址不可考矣西晉高居誨使于闐記自肅州及金河西百里出天門關又西百里出玉門關漢班昭為兄超上疏但愿生入玉門關即此按居誨所記乃光武絕西域後玉門關於酒泉非舊玉門關也

陽關廢縣

在敦煌西南一百五十餘里漢書西域三十六國東則厄以玉門陽關地理志龍勒縣有陽關玉門關皆都尉治晉置陽關縣屬敦煌郡後廢元和志陽關在壽昌縣西六里以居玉門關之南故曰陽關本漢置

謂之南道西趨鄯善茲車後魏常於此置
陽關縣周廢五代高居誨使于闐記出玉
門關入吐番界西至沙州南十里鳴沙山
又東南十里三危山乃西渡都鄉河至陽
關是也

罕東衛

在赤斤蒙古西南本漢敦煌郡地明洪武
末酋長鎖南吉刺思遣使入貢立罕東衛
授之與赤斤哈密同主西域各國貢道至
宏治中土魯番據哈密侵掠鄯境諸郡皆
不能支正德中蒙古大酋入青海罕東益
遺蹂躪其衆益衰土魯番犯肅州罕東復
殘破相率求內徙其城遂棄不守

罕東左衛

在敦煌故城明成化時建初罕東部人奄
章與衆族不相能數統殺乃率其衆逃居
沙州耕牧部落日蕃益不受罕東統屬至
其子班麻思結久住沙州朝廷屢勅還本

衛不受命正統中沙州全部內徙思結遂
盡有其地孫只克嗣賊部衆稍盛時土魯
番侵據哈密只克請自立一衛與相抗乃
置罕東左衛宏治末尾剌及安定部人大
掠沙州只克不能自存正德中其子乞台
被土魯番追脇徙肅州塞內其部下帖木
哥土巴二人仍居沙州服屬土魯番會番
酋徵來苛急嘉靖初率所部來歸沙州遂
爲土魯番所有

安定衛

在罕東衛西今敦煌縣南本韃靼別部其
地廣袤千里無城郭廬舍明洪武七年安
定王卜烟帖木兒遣使入貢立安定阿端
二衛永樂中其孫亦罕丹來朝成化中爲
土魯番殘破正德七年亦卜剌破安定據
其地餘衆內徙嘉靖初復命部酋領其衆
然安定王後無傳而阿端久沒莫知其處
曲先衛

在安定衛西古西戎部落明洪武四年置
曲先衛授土酋散西思永樂四年徙治藥
王灘宣德以後屢入朝貢成化中為土酋
者所擄率部屬內徙遂失故地

八景

三危雪齋

山在縣城南與雪山相接四時積雪不消

沙嶺晴鳴

鳴沙山雖天晴不風而沙常鳴其聲徹遠

蓋異蹟也

月泉朗狀

水廣數十武週圍皆流沙旁環如月清徹

見底與望朔相狀清景可嘉足資吟眺

渥水澄波

渥水天馬所出舊蹟存焉

千佛靈巖

雷音最稱名刹雖遭殘破厥蹟猶靈承平

復古重見香煙梵唄之盛矣

兩關遺蹟

玉門關陽關俱在敦煌境內雖舊址無存

懷古者有深憑吊

南陌平疇

環城東南北皆戶民室廬而西南數十里

一望平疇夏則翠浪平鋪秋則黃雲極目

誠塞外之神華也

北流潤野

党河之水自南而北分為五大渠又分為

數十小渠灌溉良田數千頃盛夏水長則

流入渠道汪洋潺湲致足觀覽

水利

党河源自南山中來舊名一肯哈爾金水源

北流至敦煌新城西不及半里漢書龍勒

縣註云西有氏置水出南羌中東北入澤

既民田即此水也按水利事宜具載漢興

道元公汝乞壑事實冊內云

建蓋房屋

從前戶民初到教場未有房屋不便露處
先為借給空閑營房暫住按戶發給房價
銀三兩并行令地方官於城外每戶給陳
地二畝四厘各蓋房二間即按到來之各
州縣戶內派十戶派立甲長一名各於所
管之十戶內撥五戶砍伐木植五戶托打
土垣通力合作共相建蓋或使安居通計
二千四百五十戶共蓋官房四千八百一十
間其力量有餘或行專蓋者聽民自便今
自城南以至城東城北三面環繞戶接
連詢稱稱集

分給地畝

從前戶民到教場每戶應給地一項查原
額地二千四百頃內有兵丁代民屯科開
墾地三百頃生地二千一百五頃生熟
均勻配搭用步弓丈量每畝長三十丈寬
八方丈足畝數全其間分明白簽釘界號
牌標註明本戶原籍縣分姓名地畝頃數

敗落四址通計二千四百五十戶共給地二
千四百五頃皆全盡力開墾現獲量登膏
腴之產足為農業永賴
開修渠道

戶民初到給地耕種皆以水利為重前開
東大渠西大渠西小渠曰有流沙壅塞今
復加重修東大渠一道今名永豐渠計長
三十二里寬一丈五尺深八尺西大渠一
道今名普利渠計長五十七里寬一丈二
尺深六尺西小渠一道今名通裕渠計長
七十里寬八尺深五尺以上三渠之水猶
恐不敷又新開中渠一道名慶餘渠計長
二十里寬七尺深五尺西中渠一道名大
有渠計長四十二里寬七尺深七尺後因
戶數過多又開永豐渠計長四十四里寬
一丈三尺深七尺密溝渠一道計長二十
八里寬六尺深五尺伏龍舊渠一道計長
三十一里寬六尺深五尺伏龍新渠一道

計長三十里寬六尺深五尺莊浪渠一遺
計長二十六里寬六尺深五尺以上共大
小渠十道由下至上晝夜輪流灌溉不致
爭水民皆稱便

戶口田賦

故煌縣原招戶民二千四百五十戶每戶分地
五十畝共地一十二萬二頃五十畝每畝
納京斗正糧小麦四升一合八勺七抄六
撮隨徵京斗馬糧青稞二合九抄三撮八
圭十八斤重大草五分八毫二絲四忽四
微六纖四塵折七斤重小草一束三分七
毫二絲四忽九微七塵四渺三漠
每年共徵京斗正糧小麦五千三十五石五
斗八升九合
每年應徵大草六萬一千一百三十二束五
厘四絲八忽折七斤小草一十五萬七千
一百九十六束七分一毫一絲八忽四微
五纖七塵五渺

又雍正十一年招民開墾陸科地一千二百
二頃五十畝每畝科正馬糧草束散數總
數與前同

每年起運本色糧五千二百八十七石三斗

六升八合四勺五抄

起運七斤小草一十五萬七千一百九十

六束七分一毫一絲八忽四微五纖七塵

五渺

物產

穀類

小麥 大麥 青稞 葫蘆 蕎麥 稷

黍 粟 高粱 玉高粱

豆類

蠶豆 豌豆 黃豆 豇豆

瓜類

王瓜 西瓜 菜瓜 甜瓜 回回帽

菜類

蔥 韭 蒜 芥 白菜 菜蔬 葫蘆

藥類
萬世 玉蘭茹 菠菜 甜菜 山
藥 葫蘆 芥菜 薺 馬齒莧

首蓿 芫荽 沙葱

菓類

厚 店 桃 梨

萍菓 林檎 葡萄

藥類

甘草 兔絲子 白蒺藜 黃花地丁

蘇黃 枸杞 紅花 萊菔子 白芥子

禽類

鷺 燕 烏鴉 黃鴉 野鷄 沙

鷄 鴿

獸類

野馬 黃羊 狐 狼 兔 野豬

野狸 刺猬

鱗類

無鱗魚

木類

梧桐 野生 榆 楊柳 沙棗

花類

石榴 菊花 六月菊 嬰果 虞美人

石竹 西來意 鳳仙 金盞

雜植

蘆葦 烟草 艾葉草 木薑子

花有紅黃二色似鶴冠而無葉內地所無

公署倉庫

知縣衙署即汝州衛舊署在城內東西正

街大什子西坐北向南

典史衙署即衙千總舊署

俱係雍正六年建造

東官倉一處紫霏衙衙門東共一十五間

雍正三年建造

西官倉一處紫霏衙衙門西首南面共廩

二十間雍正五年建造

民社倉一處在東門西正街路北共廩一

十二間雍正五年建造

鼓樓一座在城中樞角二層鼓樓台高二丈底根週圍二十丈四尺收頂除垛口

城週圍徑一十八丈垛牆高二尺厚一尺鼓樓徑過深四丈高一丈五尺寬一丈一尺六寸俱用磚包係雍正四年六月十五日奉文建築

屬黃墩堡城內

都司衙門一座

千總衙門一座

把總衙門一座

祀廟壇壝

萬壽宮

在城中雍正六年建

關帝廟

在城中雍正三年建

城隍廟

在城中雍正三年建

大佛寺

在城西南舊有大佛像蒙古

略拜而無屋宇後夷人速達像亦賴

壞雍正三年設衛乃以台基建寺

西雲觀

在城西雍正八年建

八堵廟

在城東雍正八年建

馬王廟

在城中雍正四年建

龍王廟

在城西雍正八年建

先農壇

在城東雍正七年建

文廟

尚未建造並無崇祀名宦鄉賢亦

無 撫朱孝子節婦

監督辦理官員

吏部郎中馬爾泰滿洲人雍正五年重修

沙州城建官署兵房及三堡

光祿少卿汪潑休寧人甲戌進士雍正五

年重修沙州城建官署兵房及三堡

原任臨洮府知府白駒 山西人雍正三

年奉委建築沙州城

管理屯田漢興道尤汶 奉天人雍正四

年奉委管理沙州民屯田雍正八年二

月卒

辦理屯田漢興道姚培和 江南松江人

蒙已進士雍正八年奉委督理沙州戶

民屯田

辦理屯務

常樂堡守備王 勇

甘肅府經歷韓 烈

沙州北總孫永昇

沙州右營把總張頭

教場一處 在城地一里

牧地四處 新渠口 葫蘆斯太

巴顏布喇 河河沙石

黃墩堡教場 在堡東北三里

牧地在堡西三十里

防汛

硤中泉墩 在縣東一百二十里

干佛硤教 在縣東南四十里

沙來墩 在縣西南三十里

巴顏布喇墩 在縣西南一百二十里

外境西北一路至葫蘆斯太一百里又

六十里至跌烈半金又八十里至博西
蓋由博西蓋西南七十里至巴汗麻哈
兒又六十里至鄂布弄博西蓋西北一
百二十里至肯麻密又一百四十里至
綽湖洞其間五六百里有水草無夷人
住牧綽湖洞縣通他楞木河來路最屬
衝要

又一路西北至巴顏布喇大卡路墩一百

二十里又二百里至多布溝由多布溝

西南一百五里至葫蘆斯太又七百三

十里至依孫察罕齊老兒路當孔道西

通伊犁地方他楞木河南通西海等處

要路最爲衝險其間一千餘里有水草

並無夷人住牧

正南一百八十里至黨城自黨城至厄

爾得尼布喇六百里有水草無夷人住

牧西通色爾騰西南通阿一切麻鞋戈

壁大小柴灘鹽池戈壁要路最關緊要